

述懷

閒行策杖出茅廬極目郊原錦不如
鴈列衡陽天淡淡燕離海嶠雨疎疎
一川好景天桃綻滿地春光楊柳舒
日晚歸來無箇事頤神養素樂無餘
萬事俱忘不出廬藏緣無礙體如如
人間利害般般盡眼底浮華物疎興
後蒲團盤膝坐悶來土塌展腰舒而
今已作疎慵叟樂樂閒閒道本餘

題王官谷玄通觀

王官遺跡有星壇名號玄都觀隱仙山
秀雲埋棲鳳竹土豐霧鎖化龍泉
一峯帝業千年在三詔仙亭萬古傳
仙帝超凡俱不道藏輯要

鳴真集

三

昇集七

面清名勿朽古今宣

七言絕句

初機

發心容易久長難一志無移若泰山
割斷愛緣塵不染自然灑落得清閒

答王先生問道在何處

忘非泯欲要堅心道在虛無何處尋
認取本來真面目拈來放下是知音

贈張先生不悟

掣開眉鎖抽身出割斷名纏便是休
性若碧天雲片片萬緣無

礙快心頭

贈李道人

絕念無爲李道人般般放下是全真休休已得長生趣躍出陰陽劫外春

詠茶

金童採得靈芝葉玉女收將閨苑芽若是有人知此味清香勝過趙州茶

神珠

團團無相亦無蹤萬道霞光射碧空照耀大千合法界參天兩地豈能籠

道藏輯要

鳴真集

三

鼎集七

禪道

禪道無爲道是禪道禪無一沒枯偏本來一點無分別湛湛澄澄常現前

坐淨

湛湛寂寂方丈居凝神默默養神軀魂甯魄淨主賓會萬慮俱忘一物無